

奴受留不遣

師古曰受其皮布而留人不遣

王莽之篡位也建國元年

遣五威將王駿率甄阜王颯陳饒帛敞丁業六人多齎

金帛重遺單于

師古曰颯音立

諭曉以受命代漢狀因易單于

故印故印文曰匈奴單于璽莽更曰新匈奴單于章

師古

曰新者莽自係其國號

將率既至授單于印紱

師古曰紱者印之組也音弗

詔

令上故印紱單于再拜受詔譯前欲解取故印紱單于

舉掖授之左姑夕侯蘇從旁謂單于曰未見新印文

宋

邪曰一本作止不見新印文

宜且勿與單于止不肯與請使者坐穹

廬單于欲前為壽五威將曰故印紱當以時上單于曰

諾復舉掖授譯蘇復曰未見印文且勿與單于曰印文